

UGOVOR **za nabavku usluga osiguranja imovine**

između:

Ureda za reviziju institucija Bosne i Hercegovine, ul. Tešanjska 24a, Sarajevo, kojeg zastupa glavni revizor Hrvoje Tvrtković (u daljnjem tekstu: Osiguranik),
i

Croatia osiguranje d.d. ul. Kardinala Stepinca bb, Mostar, JIB: 4272062390004, koga zastupa direktor Damir Đogić (u daljnjem tekstu: Osiguravalac).

I. PREDMET UGOVORA

Član 1.

- (1) Predmet ovog Ugovora je nabavka usluga osiguranja imovine koja je u vlasništvu Osiguranika, u skladu sa Tenderskom dokumentacijom i Ponudom broj: 01-42/25 od 10. 6. 2025. godine, kao i ponudom datoju na e-aukciji dana 23. 6. 2025. godine u iznosu od 4.707,50 KM.
- (2) Ugovor iz stava 1. ovog člana sklapa se na osnovu Odluke o izboru najpovoljnijeg ponuđača, broj: 08-16-5-609-13/25 od 23. 6. 2025. godine, a nakon provedenog konkurentskog zahtjeva za dostavu ponuda, broj: 08-16-5-609-1/25 od 4. 6. 2025. godine.

II. CIJENA

Član 2.

- (1) Ugovorene usluge, iz člana 1. ovog Ugovora, Osiguravalac će pružati Osiguraniku u skladu sa cijenama ponude navedenim u članu 1. stav (1) ovog Ugovora.
- (2) Ponuda Osiguravaoca, kao i spisak stalnih sredstava/opreme koja se osigurava čini sastavni dio ovog Ugovora.

III. MEĐUSOBNA PRAVA I OBAVEZE

Član 3.

Osiguravalac se obvezuje da će uslugu osiguranja imovine izvršiti u skladu sa uslovima iz tenderske dokumentacije i prihvaćene ponude.

Član 4.

- (1) Osnov za plaćanje za izvršenu uslugu je uredno popunjena faktura koju Osiguravalac dostavlja Osiguraniku, nakon što je ovjeren od strane ovlaštenih osoba Osiguranika da je usluga izvršena.
- (2) Nakon prijema računa Osiguranik će izvršiti isplatu ugovorene cijene u roku do 30 dana, na račun Osiguravaoca naznačen na računu/fakturi.

Član 5.

- (1) Osiguravalac se obvezuje da će blagovremeno (najkasnije u roku od 7 dana od dana zaključenja ugovora) izdati police osiguranja.
- (2) Osiguranik se obavezuje da će blagovremeno osigurati svu potrebnu dokumentaciju, kako bi Osiguravalac mogao izdati polise osiguranja.

Član 6.

- (1) Osiguranik nema pravo upošljavati, odnosno angažovati fizičke i pravne osobe koja su sudjelovala u pripremi Tenderske dokumentacije ili bile angažovane od komisije za nabavke u svojstvu člana ili službene osobe prilikom dodjele Ugovora.
- (2) Ograničenja u smetnji iz stava (2) ovog člana traju (najmanje) 6 mjeseci od dana zaključenja Ugovora.

I. NAČIN NAKNADE ŠTETE

Član 7.

- (1) U slučaju nastanka štete, Osiguravalac će istu nadoknaditi u skladu sa uslovima iz Tenderske dokumentacije i prihvaćene Ponude, a zahtjeve za naknadu štete rješavat će najduže 15 dana od dana kompletiranja dokumentacije.
- (2) Osiguranik će dostaviti podatke o računu na koji će Osiguravalac uplatiti sredstva na osnovu naknade štete.

II. PRIJELAZNE ODREDBE

Član 8.

Za sve odnose i institute koji nisu utvrđeni ovim Ugovorom, a proisteknu prilikom njegove primjene, primjenjivat će se odgovarajuće odredbe Zakona o obligacionim odnosima.

Član 9.

- (1) Ovaj Ugovor stupa na snagu danom potpisivanja obje ugovorne strane i važi godinu dana, odnosno do isteka police osiguranja.
- (2) Ugovorne strane su saglasne da će sve eventualne sporove rješavati mirnim putem, a ako ne postignu sporazum, spor će se rješavati pred Općinskim sudom u Sarajevu.
- (3) Ugovorene strane su ovaj Ugovor pročitale i razumjele, te ga u znak saglasnosti i pristanka svojeručno potpisuju.

Član 10.

Ovaj Ugovor je zaključen u 4 (četiri) istovjetna primjerka od kojih svakoj od ugovornih strana pripadaju po 2 (dva) primjerka.

ZA OSIGURAVAOCA:

DIREKTOR

.....
Damir Đogić

Broj:
Datum, godine

ZA OSIGURANIKA:

GLAVNI REVIZOR

.....
Hrvoje Tvrtković

Broj:08-16-5-609-14/25
Datum, 2. 7. 2025. godine